





金石古文卷九



人集

成都升菴楊慎輯次

光武濟陽宮碑

蔡伯喈

王室中微哀平短祚姦臣王莽偷有神器  
有十八年罪盈惡熟天人致誅帝乃龍見  
白水淵躍昆涇破前隊之衆矜二公之師  
收兵略地經營河朔於是羣公諸將據河  
洛之文協符瑞之徵僉曰歷數在帝踐祚  
允宜乃以建武元年六月卽位于鄗縣之

陽五成之陌祀漢配天罔失舊物享國三十有三年方內人安蠻夷率服巡狩太山禪梁父皇代之遐迹帝者之上儀罔不畢舉道德餘慶延于無窮先民有言曰樂樂其所自生而禮不忘其本是以虞稱媯汭姬美周原皇天乃眷神宮實始于此厥路藐哉所謂神麗顯融越不可尚小臣河尹瑋來在濟陽願見神宮追惟桑梓裒述之義用敢作頌其辭曰

赫赫炎天爰曜其暉篤生聖皇二漢之微稽虔虔則誕育靈姿黃夔作慝篡握天機帝赫斯怒爰整其師應期潛見扶陽而飛禍亂克定羣凶殄夷在復帝載萬國以綏巡于四岳展義省方登封降禪升于中皇爰茲初基天命孔彰子子孫孫保之無疆

汝南周巨勝碑文

蔡伯喈

君諱總字巨勝陳留太守之孫光祿勳之子也君應白乾之淳靈繼命世之期運玄

懿清廟貞厲精粹體仁足以長人嘉德足以合禮總六經之要括河洛之機援天心以立均贊幽明以揆時沉靜微密淪於無內寬裕弘博含乎無外之纖罔不總也是以實繁於華德盈乎譽初以父任拜郎中疾去官察孝廉是時郡守梁氏外戚貴寵非其好也遂以病辭太守復察孝廉乃俯而就之以明可奮然猶私存衡門講誨之樂不屑已也又委之而旋故大將軍梁冀

專國作威海內從風世之雄材優逸之徒莫不委質從命而顛覆者蓋以多矣聞君洪名前後三辟而卒不降身由是縉紳歸高辟公事德大尉司徒再辟三辟察賢良方正舉才襄賁令皆病不就擾攘之際災眚仍發聖上詢諮師錫策公車持微君仰觀天象俯效人事世路多險進非其時乃托疾杜門靜居里巷無人跡外庭生蓬蒿如此者十餘年強禦不能奪其守王爵不

能滑其慮至延熹二年乃更闢門延賓享  
晏醇樂及秋而梁氏誅滅十二月君卒然  
則識機知命可觀於斯矣洋洋乎若德雖  
崇山千仞重淵百尺未足以喻其高究其  
深也夫三精垂耀處者有表爰在上世作  
者七人焉有諒百行備九德齊光日月洞  
靈神明如君之至者與豈所謂天民之秀  
也享年五十不登期考遐邇歎悼痛心失  
圖乃相與建碑勒銘以徵休美其辭曰

厥初生民天賜之性有靡有醇有否有聖  
伊茲周君允丁其政誕茲明德自始哲今  
奧乎其文如星之布確乎不拔如山之固  
追綜先緒應期作度潛心大猷譚思德謨  
遁世無悶屢辭王寮洋洋必丘于以逍遙  
蔑爾童蒙是訓是教瞻彼榮寵譬諸雲霄  
優哉游哉侔此弘高名華夏光耀昆苗清  
風丕揚德音孔昭

京兆尹樊陵碑文

蔡伯喈

於顯哲尹誕德孔彰膺帝休命謂篤不忘  
爰納忠式規悟聖皇欽崇園邑大孝允光  
九命車服昭示米章軒輶四牲承祀蒸嘗  
多士時貢繇役永息進路孔夷民清險棘  
同體諸舊兆萌蒙福惠垂無疆守以罔極

童子逢盛碑

童子諱盛字伯彌薄令之玄孫蘧成君之  
曾孫安平君之孫五官掾之長子也胎懷  
正氣生克自然俯育孩嬰弱而能言至於

垂髫鬢惠聰哲過庭受試退誦詩禮心開  
意審聞一知十書畫規矩制中罔椀目就  
月將學有緝熙才亞后橐當爲師楷自天  
生授罔不在初謂當邛遂令儀令色整齊  
珪角立朝進仕究竟人爵克啓厥後以彰  
明德胤嗣昭達何宥季世顯天不惠伯疆  
涇行降此大戾年十有二歲在協給五月  
乙巳嚙翁不反友隕精晁苗而不秀命有  
脩短無可奈何慈父悼傷割哀回鯉其十

金石古文  
二月丁酉而安措諸永潛黃壚沒而不存  
於是門生東武孫理下密王升姜感慨三  
成一系列同義故共刊石敘述才美以銘不  
朽其辭曰

嘉辭伯彌天授其姿在克岐凝聰獻敏達  
當遂邁迤立號建基時非三代符命無恒  
人生在世壽無金石身潛名彰顯於後葉

巴郡太守樊敏碑

君諱敏字升達肇祖宓戲遺苗后稷爲堯

種樹舍潛于岐天頤直甫乃萌昌發周室  
衰微霸伯匡弼晉爲韓魏魯分爲楊充曜  
封邑厥土河東榘漢之際或居于榘或集  
于梁君纘其緒葦南西壘濱近聖禹飲汶  
茹沔總角好學治春秋嚴氏經貫究道度  
無文不睹於是國君備禮招請濯冕題罰  
傑立忠謇有夷史之直卓密之風鄉黨見  
歸察孝除郎永昌長史遷宕渠令布化三  
載遭離母憂五五斷仁大將軍辟光和三

中京師擾攘雄狐綏綏冠履同囊投袂長  
驅畢志枕丘國復重察辭病不就再奉朝  
媵十辟外臺常爲治中諸部從事舉直錯  
枉譚思舊制彈饕糾貪務鉏民穢患苦政  
俗喜怒作律案罪殺人不顧猖獗告子屬  
孫散若此者不入墓門州里僉然號曰吏  
師季世不祥米巫殍瘡續蠹青羌姦狡竝  
起陷附者衆君執一心賴無泮耻復辟司  
徒道隔不往牧伯劉公二世欽重表授巴

授巴郡後漢中秋老乞身以助義都尉養  
疾閭里又行褒義校尉君仕不爲人祚不  
爲已相桓大度體蹈箕首當躬台緄松僑  
協軌八十有四歲在汁洽紀驗期臻奄胷  
臧形凡百咸痛士女涕冷臣子褒術刊石  
勒銘其辭曰

於戲與考經德炳明勞謙損益耽古儉清  
立朝正色能無撓頌威恩御下持滿億盈  
所歷見慕遺歌景形書載俊艾股肱幹禎



有物有則模楷後生宜叅鼎鉉稽建皇靈  
王路阪險鬼方不庭恒戰節足輕寵賤榮  
故闕大選而損陪臣晏嬰邺殿留侯距齊  
非辭福也乃辟禍兮

辭曰演元垂闕

岳瀆

闕二字

兮金精火佐寔

生賢兮闕

欲救民德彌大兮遭遇陽九百

六會兮當闕遐季今遂逝兮嗚呼哀哉蒐

神闕兮

### 金鄉長侯成碑

君諱成字伯盛山陽防東人也其先出自  
幽岐周文之後封于鄭鄭共仲賜氏曰侯  
厥胤宣多以功佐國要盟齊魯嘉會自邠  
因以爲家焉漢之興也侯公納英濟太上  
皇於鴻溝之阮諡曰安國君曾孫酺封明  
繞侯光武中興玄孫霸爲臨淮太守擁兵  
從光武平定天下轉拜執法右刺姦五威  
司命大司徒公封於陵侯枝葉繁茂或家  
河洧或邑山濟君則上黨太守之弟幼履

慈孝之德長執忠謇之操治春秋經博綜  
書傳以典籍教授滋滋履真安貧樂道忽  
於時榮敬上接下溫故知新翹節建志冠  
於羣倫孝友內著仁義外宣郡請署主簿  
督郵五官掾功曹守金鄉長卽家假印綬  
君介心如石不易其刺史嘉其高名辟部  
東平泰山治中役事君獻精謙虛委蛇衡  
門以禮膺桓名德可尊行顯身隱縣輿養  
神聖人制命曰仁常存今胡不然喪此國

偉君年八十一建寧二年歲在巳酉四月  
二日癸酉遭疾而卒嗚呼哀哉於足遐邇  
士仁祁祁來庭集會如雲號哭發哀泣涕  
汎蘭將去白日歸彼玄陰同盟必至縞素  
填街存存顯名終有遺勲奄如有靈嘉斯  
寵榮於是儒林衆瓊惟想邢景乃樹立銘  
石以揚淑美其辭曰  
於穆君德姿履正平乾皇所挺應符如生  
耽藝樂術怡忽世榮虛位禮請介然不傾

壽非南山不俟河清梁木圯頽鴻儀催零  
昆嗣切剝哀慟感情乃銘乃勒億載永寧

金石古文卷十

武都太守李翕西狹頌

漢武都太守漢陽阿陽李君諱翕字伯都  
天姿明敏敦詩悅禮膺祿美厚繼世郎吏  
幼而宿衛弱冠典城有阿鄭之化是以三  
荊符守筮黃龍嘉禾木連甘露之瑞動順  
經古先之以博愛陳之以德義示之以好  
惡不肅而成不嚴而治朝中惟靜威儀抑  
抑督郵部職不出府門政約令行強不暴

寡知不訐愚屬縣趨教無對會之事徼外  
來庭面縛二十餘人年穀屢登倉庫惟億  
百姓有蓄粟麥五錢郡西狹中道危難阻  
峻綠崖俾閣兩山壁立隆崇造雲下有不  
測之谿阨芒促迫財容車騎進不能濟息  
不得駐數有顛覆實隊之閭過者創楚惴  
惴其慄君踐其險若涉淵冰嘆曰詩所謂  
如集于木如臨于谷斯其殆哉困其事則  
爲設備今不圖之爲患無已勅衡官有秩

李瑾掾仇審曰常繇道徒鑿燒破析刺白  
確嵬減高就埤平夷正曲柙鍬土石堅固  
廣大可以夜涉四方無雜行人懽悃民歌  
德惠穆如清風乃刊斯石曰赫赫明后柔  
嘉惟則克長君牧守三國三國清平詠歌  
懿德瑞降豐稔民以偵植威恩竝隆遠人  
賓服鑿山浚瀆路以安直繼禹之迹亦世

賴福

成陽令唐扶頌

君諱扶字正南潁川郟人也其先出自慶  
都感赤龍生堯王有天下大號爲唐洽致  
雍熹尊天重民禪位虞闕光炙茅土通天  
三統苗胄枝分相土脉君因氏唐馬累取  
含祚受天之怙胤嗣彌光爲漢台輔君父  
孝廉郎中早卒季父蜀郡蜀郡從弟會稽  
會稽從弟南陽君從見東萊太守南陽弟  
司空公在朝透隨正色竭忠爲國討暴六  
侯俱封受土襲爵金縉十三君繼厥緒少

有岐嶷耽道好古執書咏詩綜緯河雒底  
究羣典彛紐上進守舞陽丞弱冠守昆陽  
尉潁陽令隱練州郡所臨有迹帝嘉其德  
特拜郎中察能洽處除豫章鄔陽長夷粵  
拈搃悛強難化君奮威颺武視以好惡蠻  
貉振壘稽顙佈服闕上前逋千有餘萬盜  
賊衰息境界晏然三載有成州郡詳表遷  
成陽令承先聖之弘軌見讚像之高蹤遂  
興無爲之治優賢颺歷表善絀惡遵九德

以綏民崇晏晏之惠康風移俗易莫不草  
心朝有公卓家有參騫分邾之治復隆生  
於君追惟堯德廣被之恩依陵毫廟造立  
授堂四遠童冠摠衣受業著錄于人朝益  
莫習衍衍閭閻尼父授魯曷以復加靈祇  
瑞應木連理生白菟紫鳩遊君園庭蕩蕩  
之治莫能名焉三司察功朝廷審真以君  
威恩竝流文武兼興東萊海濱湏君以寧  
詔書換君昌陽令吏民慕戀士女惟艱捺  
宰君車輪不得行君臣流涕道路琅玕迫  
有詔命靡由復還於是故從事仲宇仲授  
張躬萬龍督郵仲規郡掾閻葵闕仲瑄處  
士王闕董頽閻葵斑等乃共刊石樹頌歌  
君之美其辭曰

赫赫唐君帝堯之苗氏族不一各任所安  
本莫末異蓋謂斯焉君體煥炳有芬有馨  
如山如斌嵩如不傾如闕如海澹如不盈  
帷直如矢秉銓據衡在朝肅肅閨門雍雍

廉踰伯叔絜如珪璋賦政于外爰及鬼方  
淮夷來降寇賊遂亡黎庶攸寧黔首歡康  
以德綏撫宣恩六陽以仁恤弱以義抑強  
恩由春夏威如秋霜賞罰分守審白黑著  
明憂者閔稚不悔寡矜耽樂道述咀嚼七  
經五六六七訓導若神接下施與投財如  
損吏服其德民歸其恩父父子子君君臣  
臣不師自舉不拘不煩囹圄空虛國無民  
德及草虫滓流無根蝟飛蠕動咸賴我君

顯顯令稱德音常存

魏大饗碑

惟延康元年八月旬有八日辛未魏王龍  
興踐祚規恢鴻業構亮皇基萬邦統世忿  
吳夷之凶暴滅蜀虜之僭逆于赫斯怒順  
天致罰舊虓虎之校簡猛銳之卒爰整六  
軍率匈奴暨單于烏桓鮮卑引弓之類持  
戰百萬控弦千隊玄甲曜野華旗蔽日天  
動雷震星流電發戎備素辨役不更籍農

夫安疇商不變肆是以士有拊諫之驩民  
懷惠康之德皇恩所漸無遠不至武師所  
加無強不服故寬令西飛則蜀將東馳六  
旆南徂則吳黨委質二虜震驚魚爛階潰  
將汜自三江之流方軌邛來之阪斬吳夷  
以染鉞血蜀虜以黷鼓懼天威於遐裔復  
九圻之疆寓除生民之尖孽去聖皇之宿  
憤次于舊邑觀釁而動築壇壝之官置表  
著之位大饗六軍爰及譙縣父老男女臨

饗之日陳兵清涂慶雲垂覆乃備俾禦整  
法駕設天官之列衛乘金華之鸞路建升  
龍於大常張天狼之威弧千葉風舉萬騎  
龍驤威靈之飭震懼康衢旣登高壇蔭九  
增之華蓋處流蘇之幄坐陳旅酬之高會  
行無筭之酣飲于酒波流春烝陵積瞽師  
設縣金奏讚樂六變旣畢乃陳祕戲巴俞  
丸劍奇舞麗倒衝夾踰鋒上商踰高舩鼎  
緣撞舞輪擗鏡騁狗逐兎戲馬立騎之妙



拔白虎青鹿辟非辟耶魚龍靈龜國鎮之  
恠獸環變屈出異巧神化自卿校將守以  
下下及陪臺諫固莫不歆淫宴喜咸懷醉  
飽雖夏啓均臺之享周成岐陽之搜高祖  
邑中之會光武舊里之宴何以尚茲是以  
刊石立銘光示來葉其辭曰

赫王師征南裔舊靈威震天外吳夷驚蜀  
虜竄區夏清八荒艾幸舊邦設高會皇德  
洽洪恩邁刊金石光萬世

魏散騎常侍步兵校尉東平太守碑

嵇叔夜

先生諱籍字嗣宗陳留尉氏人也厥遠祖  
陶化於上世而先生弘謨於後代詩所載  
阮國則是族之本也先生承命世之美希  
達節之度得意忘言尋妙於萬物之始窮  
理盡性研幾於幽明之極和光同略羣生  
莫能屬也確不可拔當塗莫能貴也或出  
或處與時升降或默或語與世推移望其

形者猶登嶽涉海蕩然無以究其高測其  
深覽其神者猶旁璞親珪肅然無不欽其  
寶而偉其奇也不屑夷齊之潔故其清不  
可尚也不履思連之汙故其道不可屈也  
遽瑗昇降於卷舒甯武去就於 盼一子  
不亦泰如危宗廟之犧安不 孤犢之逼  
而有塗中之廣觀屈穀鳴鴈是以處下  
之間察巨瓠緯帶是以遊有用之際夸大  
辨而御之以訥資大白而洿之以厚一作辱

爲無爲而名不能累也事無事而世不能  
役也訪垂天之翼於寂寞之域投芒刃之  
穎於有解之會固恢恢必餘地豈若接輿  
被張以養生於陵觀園以求實齷齪近步  
脩一作循軌轍而已哉尼父議老成於遊龍  
衛賜警重仞於日月揆之先生其殆庶幾  
乎方將攀逸駕於洪涯懇遐軌於巢州跨  
宇宙以高挹陵雲霄以優游享年如干遘  
病而卒於是遠鑒之士有識之徒先生之

金石古文  
汲夫豈不慨然臨豪傑而存惠之問運斧  
斲而思郢人之力乃探願索隱以敘雅操  
使將來君子知壯生之跡略舉其志埤之  
曰峩峩先生天挺無欲玄虛恬淡混濟榮  
辱盪滌穢累婆娑山足胎胞造化韜蘊光  
燭鼓棹滄浪彈冠嶠岳願神太素簡邁世  
局澄之不清溷之不濁翱翔區外遺物庶  
俗隱處巨室反真歸漠汪汪淵源邁跡圖  
錄

金石古文卷十一

漢滎瀆石門碑

惟陽嘉三年二月丁丑使河堤謁者王誨  
疏達河川述荒庶土云大河衝塞侵齧金  
堤以竹籠石茸葦土而爲遏壞隕無已功  
消億萬請以濱河郡徒䟽山采石壘以爲  
鄣功業旣就徭役用息未詳詔書許誨立  
功府卿規基經始詔策加命遷在沅州乃  
簡朱軒授使司馬登令纘茂前緒稱遂休

功登以伊洛合注大河南則緣山東過大

任回流北岸其勢鬱濛濤怒湍急激疾一

有決溢彌原淹野蟻孔之變害起不測蓋

自姬氏之所常感昔崇鮐所不能治我二

宗之所劬勞於是乃跋涉躬親經之營之

率百姓議之于臣伐石三谷水匠致治立

激岸側以捍鴻波隨時慶賜說以勸之川

無滯越水土通演役未踰年而功程有畢

斯乃元勲之嘉課上德之孤表也昔禹脩

九道書錄其功后稷躬稼詩列于雅夫不

憚勞謙之勤夙興厥職充國惠民亦得湮

沒而不韋焉故遂刊石記功垂示于後其

辭云云使河堤謁者山陽東昏司馬登字

伯志伐東萊典城王誨字孟堅河內太守

守城向豹字伯尹丞汝南鄧方字德山懷

令劉丞字季意河堤掾匠等造陳留浚儀

邊詔字孝先頌

魏野王令司馬孚脩沁口碑

臣孚言臣彼明詔興河內水利臣既到檢  
行沁水源出銅堤山屈曲周迴水道九百  
自大行以西王屋以東層巖峻天時霖雨  
衆谷走水小石漂送木門朽敗稻田汎灑  
歲功不成臣輒按行去堰五里以外方石  
可得數萬餘枚臣以爲方石爲門若天教  
旱增堰進水若天霖雨陂澤充溢則閉方  
斷水空渠衍澇足以成河雲雨由人經國  
之謀暫勞永逸聖王所許願陛下特出臣  
表勅太司農府給人工勿使稽延以贊時  
要臣孚言詔書聽許

魏建城鄉侯劉靖碑

魏使持節都督河北道諸軍事征北將軍  
建城鄉侯沛國劉靖字文恭登梁山以觀  
源流相際以度形勢嘉武安之通渠羨秦  
民之殷富乃使帳下督丁鴻軍士千人以  
嘉平二年立過於水道高粱河造戾陵過  
開車箱渠其過表云高粱河水者出自井

州黃河之別源時長岸峻固直截中流積石籠以爲主邊高一丈東西長三十丈南北廣七十餘步依北岸立水門門廣四丈立水十丈山川暴戾則乘過東下平流守常則自門北入灌田歲二千頃凡所封地百餘萬畝至景元三年辛酉詔書以民食轉廣陸發不贍遣謁者樊晨更制水門限田千頃刺地四千三百一十六頃出給郡縣改定田五千九百三十頃水流乘車箱渠自荊西北逕昌平東盡漁陽潞縣凡所潤舍四五百里所灌田萬有餘頃高下孔濟原隰底平疏之斯漑決之斯散導渠口以爲濤門灑漉池以爲甘澤施加於當時敷被于後世晉元康四年君少子驍騎將軍平鄉侯弘受命使持節監幽州諸軍事領護烏丸校尉寧朔將軍遏立積三十六載至五年夏六月洪水暴出毀損四分之三乘北岸七十餘丈上渠車箱所在漫溢

追惟前立過之勳親臨山川指授規略命  
司馬關內侯逢惲內外將士二千人起長  
岸立石渠脩立過治水門門廣四丈立水  
五丈興復載利通塞之宜准遵舊制凡用  
功四萬有餘焉諸部王侯不召而自至繼  
負而事者蓋數千人詩載經始勿亟易稱  
民忘其勞斯之謂乎於是二府文武之士  
感秦國思鄭業之績魏人置豹祀之義乃  
遐慕仁政追述成功元康五年十月十一  
日刊石立表以紀勳烈并記過制度永爲  
後式焉

晉千金渠石人東脇下文

太始七年六月二十三日大水并瀑出常  
流上三丈蕩壞二塢五龍泄水南注瀉下  
加歲久湫齧每勞即壞歷載消弃大功今  
故爲令過更於西開泄名曰伐龍渠地形  
正平誠得爲泄至理千金不與水勢激爭  
無緣當壞由其卑下水得輪上湫齧故也

今曾高千金於舊一丈四尺五龍自然必  
歷世無患若五龍歲久復壞可轉於西更  
開二場二渠合用二十三萬五千六百九  
十八功以其年十月二十三日作功重  
小人到八年四月二十日畢

西脇下亦有刻文不錄

後漢鴻臚陳君碑文

邯鄲子禮

君諱紀字元方太丘君之元子也始祖有  
虞受禪陶亦以命禹其後媯滿當周武

王時祚土于陳君其世也君生應乾坤之  
純質受嵩岳之粹精內包九德外兼百行  
淵深淪於不測膽智應於無方弘裕足以  
容衆矜嚴足以正世然後研幾道免涉覽  
文學凡前言往行竹帛所載靡不坐談其  
善也臺臺焉其誘人也是以令聞廣譽塞  
于天淵儀形嘉誨範乎人倫存乎本傳故  
略舉其著於人事者焉顯考以茂行崇冠  
先儔季弟亦以英才知名當世孝靈之初



竝遭黨錮俱處于家號曰三君故得奉常  
供養以循子道親執饋食朝夕竭歡及太  
丘君疾病終亡喪過乎哀崩傷嘔血如此  
者數焉服禮旣除戚容彌甚聞名心矍言  
及隕涕雖大舜之終慕曾參之自盡無以  
踰也豫州刺史嘉懿至德命勅百城圖畫  
形象于今遺稱越在民口旣處隱約潛躬  
味道足不踰閩乃覃思著書三十餘萬言  
言不務華事不虛設其所交釋合贊規聖

哲而後建旨明歸焉今所謂陳子者也  
平之元禁罔蠲除四府竝辭弓旌交至雖  
崇其禮命莫敢屈用大將軍何進表選明  
儒君爲舉首公車特徵起家拜五官中郎  
將到遷侍中旬有八日出相平原會孝靈  
晏駕賊臣秉政肆其兇虐剝亂宇內州郡  
幅裂戎與竝戒若冒犯鋒矢勤恤民隱馴  
之以禮教示之以知耻視事未暮士女向  
方會刺史敗於黃巾幽冀二州爭利其工

君料敵知難不忍其民爲已致死乃辭而去之於郟之野袁術恣睢借號江淮圖覆社稷結婚呂布斯事成重必不測救君諗布不從遂與成婚送女在塗君爲國深憂乃奮策出奇以奪其心卒絕好追女而還離逃姦謀使不得成國用又安君之力也唯帝念功命作尚書令會車駕幸許拜大鴻臚實掌九儀四門穆穆遂登補袞闕以熙帝載不幸寢疾年七十有一建安四年

六月卒惜乎懷道處否登庸日寡實使大業不究元勳靡建茲海內所爲嗟悼凡百所以失望也天子愍焉使者弔祭郡卿以下臨喪會有子曰郡追惟蓼莪罔極之恩乃與邦彥碩老咨所以計功稱伐銘贊之義遂樹斯石用監于後其辭曰

於穆上德時惟我君固天縱之天鍾厥純命世作則實紹斯文遭險龍潛抗志浮雲所貴在已樂存事親雖處畎畝天子屢聞

乃階郎將陪帝作鄰平原寇深遂辭其民  
思齊古公邠土是因不忘論國惠我無垠  
復命喉舌秉國之均爰登卿士媚茲一人  
如何穹蒼不授遐年豈厥在位每懷不申  
股肱或虧朝誰與詢焯焯小子號泣于旻  
勒銘表德久而彌新

金石古文卷十二

漢樊毅脩西嶽廟記

山經曰泰華之山削成四方其高五千仞  
廣里周禮職方氏華謂之西嶽祭視三公  
者以其能興雲雨產萬物通精氣有益於  
人則祀之故帝舜受堯歷數親自巡省設  
五鼎之奠柴燎煙致敬神祇又用昭明百  
穀繁殖黎民時雍鳥獸率舞鳳凰來儀暨  
夏殷周末之有改也其德休明則有禎祥

荒淫臊穢篤災必降秦違其典壁遺鄗池  
二世以亡高祖應運禮遵陶唐祭則獲福  
奕世克昌忘新滔逆鬼神不享建武之初  
華掃頑凶更率舊章敢用玄牲牲牲必充  
天惟醇祐萬國以康光和二年有漢元舅  
五侯之胄謝陽之孫曰樊府君諱毅字仲  
德承考讓國家于河南究職州郡辟公府  
除防東長中都令誅強馭撫瘠民二鄙以  
清命守斯邦威隆秋霜恩踰冬日景化旣

宣由復夕惕惟窺祿之報順民之則孟冬  
十月齊祀西嶽以傳窄狹不足處尊碑廟  
舍舊久墻屋傾亞世室不脩春秋作譏特  
部行事苟班與縣令先黨以漸補治設中  
外饋圖珍奇畫恠獸嶽瀆之精所出禎秀  
于時而功已著斲勞久逸神永有憑  
自古太山邱邑猶存五嶽尊同哀此勤民  
獨不賴福乃上復十里內工商農賦克厭  
帝心嘉瑞仍奮風雨應起濺潤品物君舉

必書况乃盛德惠及神人可無述焉於是  
功遭郭敏主簿魏襲戶曹史許禮等遂刊  
玄石銘勒鴻勛垂曜靈軫存有昭識其辭  
曰二儀剖判清濁始分陽凝成山陰積爲  
川泰氣推否洪波况臻堯命伯禹決江開  
汶川靈既定恩覆兆民乃刊祀典辨于羣  
神因瀆祭地獄以配天世主遵循永享歷  
年赤銳煌煌受茲介福京夏密清殊俗賓  
服令問不違可謂至德德音孔昭實惟我

后出自中興大漢之舅本枝惟百延慶長  
久俾守西嶽達奉神祀改傳飾廟靈則有  
攸齊降瑞畲祚景風凱涕惟風及雨成我  
稷黍穡民用章建乂空宇刊銘記誦 配  
梁甫

西嶽華山亭碑

衛凱

惟光和元年歲在戊子名曰咸池季冬巳  
巳弘農太守河南樊府君諱毅字仲德下  
車之初恭肅神祀西嶽至尊詔書奉詞躬

親自往省從勞謙卽事有漸散齊華亭齊  
堂逼窄郡縣官屬清齊無處尊卑錯綜精  
誠不固畏天之威逢斯瘴怒時雨不興甘  
澍不布念存黔首懼闡曠素於是與令巴  
郡胸忍先讜公謀圖議繕故斷度榑廊立  
室異處左右趣之莫不競慕二年正月己  
卯興就旣成有元休嘉啓寤各得竭情福  
祿是顧刻茲碑號吏卒俠路其辭曰  
巖巖西嶽五鎮次宗緒德之尊太華優隆

皇帝永思祀典孔明高神肯宴圭璧贄通  
赫赫在上以畜萬邦惟嶽降神寔生羣公  
卿士百辟績業攸蒙帝命不違歲事報功  
羣后命卿散齋外亭敬恭明祀以奉 靈  
處所逼窄屑罕有聲神樂其靜脩翬無形  
尊碑有序潔心致誠因繕舊室整頓端平  
在其板屋孰不嘉精天人同道萬祚來迎  
旣受帝祉延予後生爲龍爲光顯人王庭  
爲公爲侯福祿來成刻石記號永享利貞

西嶽華山堂闕碑銘

易曰天地定位山澤通氣然山莫尊於嶽  
澤莫盛於瀆山嶽有五而華處其一瀆有  
四而河在其數其靈也至矣聖人廢興必  
有其應故岱山石立中宗繼統太華授壁  
秦胡絕緒白魚入舟姬武建業寶珪出水  
子朝喪位布五方則處其西列三條則居  
其中若廣袤奇蟲山經有紀矣是以帝王  
巡狩親五嶽而告至覲方后而考禮故經

有望秩之禋典有生殖之祀蓋所以崇山  
川而報功也四海一統天子秉其禮諸侯  
力政疆國攝其祭奉其邑曰華陰也久矣  
乃紀於禹貢而分秦晉之境奉鄙晉之西  
則曰陰晉邊秦之東則曰寧秦邑旣遷徙  
禮亦如之二國力爭以奉以祭其城險固  
基趾猶存故老之言未殞於民也逮至大  
命克亂不愆不忘舊名是復率禮不  
越故祀是尊歷葉增脩虔恭又備一禱三

祀終歲而四以迄于今而世宗又經集靈  
之宮於其下想喬松之壽是遊是憇郡國  
方士自遠而至者充巖塞崖卿邑巫覡宗  
祀乎其中者盈谷溢谿咸有浮飄之志愉  
悅之色必雲霄之路可升而越果繁昌之  
福可降而致也故殖財之寶黃玉自出令  
德之珍卿相是毓匪惟嵩高降申甫此亦  
有焉天有所興必先廢之故殷宗周宣以  
衰致盛是時也王業中缺大化陵遲郡縣

既毀財匱禮乏庭廟傾壞壇場蕪穢祭祀  
之禮有缺焉於是鎮遠將軍領北地太守  
閔卿亭侯段君諱煨字忠明自武威占此  
士憑託河華二靈是與故能以昭烈之德  
享上將之尊御命持重屯斯寄國討叛柔  
服威懷是示羣兇既除郡縣集寧家給人  
足戶有樂生之歡朝釋西顧之慮而懷關  
中之恃雖昔蕭相輔佐之功功冠羣后弗  
以加也遂解甲休士陣而不戰以逸其力



脩飾享廟壇場之位荒而復辟禮廢而復興又造祠堂表以參闕建神路之端首觀壯麗乎孔徹然后簋祀祈請既有常處雖雨露衣而禮不廢於是邑之士女咸曰宜之乃建碑刻石垂示後裔其辭曰於穆堂闕堂闕昭明經之營之不日而成匪奢匪儉惟德是程匪豐匪約惟禮是榮虔恭禋祀黍稷芬馨神具醉止降福穰穰

桐柏廟碑

王延壽

延熹六年正月八日乙酉南陽太守中山盧奴張君處正好禮尊神敬祀以淮出平氏始於大復潛行地中見於陽口立廟桐柏春秋宗奉災異告譴水旱請求位比諸侯聖漢所尊受珪上帝太常定甲郡守奉祀務潔沈祭從郭君以來二十餘年不復身到遣行承事簡略不敬明神弗歆災害以生五嶽四瀆與天合德仲尼慎祭常若神在君準則大聖親之桐柏奉見廟祠崎

嶇逼狹開拓神門立闕四達增廣壇場飾  
治華蓋高大殿宇穹齊傳館石獸表道靈  
龜十四衢廷弘敞宮廟嵩峻祇慎慶祀一  
年再至躬進牲牲執王以沈爲民祈福靈  
祇報祐天地清和異祥昭格禽獸碩茂草  
木芬芳黎庶預祉民用作頌其辭曰泫泫  
淮源聖禹所導湯湯其逝惟海是造䟽穢  
濟遠柔順其道弱而能強仁而能武聖賢  
立式明哲所取定爲四瀆與河今烈烈

明府好古之則虔恭禮祀不愆其德惟前  
廢弛匪恭匪力灾眚以興陰陽以忒陟彼  
高岡臻茲廟側肅肅其敬靈祇降福雍雍  
其和民用悅服穰穰其慶年穀豐植望君  
輿駕扶老携集暴君塵軌奔走忘食懷君  
惠况思君罔極于昏樂兮傳於萬億

九疑山碑

蔡邕

巖巖九疑峻極于天觸石膚合興播建雲  
時風嘉雨浸潤下民芒芒南土實賴厥勛

逮于虞舜聖德光明克諧頑傲以孝蒸蒸  
師錫帝世堯而授徵受終文祖璇璣是承  
太階以平人以有終遂葬九疑解體而升  
登此崔嵬託靈神仙

金石古文卷十三

楚相孫叔敖碑

楚相孫君諱饒字叔敖本是縣人也六國  
時期思屬楚楚都南郢南郢卽南郡江陵  
縣也君受純靈之精懷絕世之才有大賢  
次聖之質少見枝首虵對其母泣吾將死  
母問其故曰吾聞見枝首虵者死今日見  
之母曰若奈之何吾然行數十步念獨吾  
死可空復令他人見之死爲因埋掩其荆

母曰若無憂焉其陰德玄善遂爲父母九族所異及其爲相布政以道考天象之度敬授民時聚藏於山殖物於藪宣導川谷波障源淥漑灌沃澤堤防湖浦以爲池沼鍾天地之美收九罟之利以愍潤國家家富人喜優瞻樂業拭序在朝野無螟螣豐年蕃庶人有曾閔貞孝之行四民美好從容中節高相改幣一朝而化其憂國忘私乘馬三季不別牝牡繼高陽重黎五舉子

文之統其忠信廉勇禮樂文章軌儀同制其富國充民明天時盡地力寔堅禹稷不能踰也專國權寵而不榮華一旦可得百金至至於歿齒而無分銖之蓄破玉玦不以寶財遺子孫終始若矢不去善如絕絃辟患害於無刑徹節高義敦良奇介自曹臧孤竹吳札子罕之倫不能驟也生於季末仕於靈王立溷濁而澄清處幽暗而照明其遺武餘典恨不與戲皇帝代同世世

爲列姪國在朝庭其意常墨墨若冠章甫  
而坐塗炭也病甚臨卒將無棺槨令其子  
曰優孟曾許千金貸吾孟故楚之樂長與  
相君相善雖言千金實不貸也卒後數幸  
莊王置酒以爲樂優孟乃言孫君相楚之  
功即忼慨高歌曲曰貪吏而可爲而不可  
爲廉吏而可爲而不可爲貪吏而不可爲  
者當時有污名而可爲者子孫以家成廉  
吏而可爲者當時有清名而不可爲者子

孫困窮披褐而賣薪貪吏常苦富廉吏常  
苦貧獨不見楚相孫叔敖廉潔不受錢涕  
泣數行若投首王王心感動覺悟問孟孟  
具列卽來其子而加封焉子辭父有命如  
楚不忘亡臣社稷圖而欲有賞必於潘國  
下濕堯堉人所不貪遂封潘卿卽固始也  
三九無嗣國國絕祀廢固始令段君夢見  
孫君則存其後就其故祠爲架廟屋立石  
銘碑春秋烝嘗神明報祚卽歲還長棧太

守及期思縣宰段君諱光字世賢魏郡鄴人庶光賢體德允恭篤古遵舊奉履憲章欽翼天道五典興通攷籍祭祀祇肅神明臨縣一載志在惠康莖枯粟乏愛育藜蒸討掃醜類鰥寡是矜杜偽養善是忠表仁感想孫君廼發嘉訓興祀立壇勤勤愛敬念意自然刻石銘碑千載表績萬古標記福祐期思縣興士熾孫氏蒙恩漢延熹三年五月二十八日立

漢故中常侍騎都尉樊君之碑

子遷

君諱安字子祐南陽湖陽人也厥祖曰仲山父翼佐周宣出納王命爲之喉舌以致中興食菜于樊子孫氏焉奕世載德守業不愆在漢中葉篤生哲媛合南頓實產世祖征討逆畔復漢郊廟而樊氏以帝元舅顯受茅一封寵五國壽張侯以功德加位特進其次竝已高聲處鄉校侍中尚書據州典郡不可勝載爲天下學治韓詩論語

孝經兼典記傳古今異義甘貧樂約意不回貳天資淑慎稟性有直秉操不移不以凱貴世政促峻邑宰寡識慢賢役德被以勞事然後慷慨官于王室歷中黃門沉從儀史拜小黃門小黃門右史遷藏府令中常侍其事上也貞固密慎矜矜戰戰作主股肱助國視聽外職不誣內言不泄爲近臣楷模以兄弟竝盛雙據二郡宗親奈賴榮年五十有六以永壽四年二月甲辰卒

朝思其忠追拜都尉寵以應綬策書褒歎賻贈有加嗣子遷寔以幼弱夙敘王爵而喪其所天禮備復位以延熹三年冬十有一月自上蒸祭乃尋惟烈考恭脩之懿勒之碑石俾不失墜其辭曰

肅肅我君帝躬是翼王事多難我是力秉此小心以亮皇職惟帝念功庸以輿服大命傾竇翬神遷佚龜艾追贈用光其德藹藹遺稱作呈作式勒銘茲石垂示罔極勳

名不剋永昭千億

漢金城太守殷君碑

衛覲

君諱華字叔時上郡之陽人大匠君之子也其先出自有殷因國定氏不改其號聖哲玄流至君而懿幼應瓊蘭之美長有冲邈之志敦詩閱禮籥韜竹賁誕循前業守以恪恭仕歷州郡忠愕有分其大操也耽耽虎視龍變不羈故能雄傑於并域聲班於上京察何孝廉貢除郎中左馮翊丞協

宣文物公事知州譽茂才宛丘令崇行寬猛示之禮禁褒廷庠校政以惠和三載陟隕邪臨金城郡鄣羌虜避難遷移役兼民匱室如懸罄乃敷權略獎厲信獫狁率服不敢窺踰兵戢而時動因省獵以習義興利弭患順其所樂開通狹道造作傳館吏事咸悅不勞而勸是以搢紳之徒譚講雅誦釋軍旅之犀革陳俎豆於泮宮其艾擔幹旌顯才良咨量三壽賞刑不僭邦場寧



靜歲時豐登耆叟擊壤童齠謳課功菴垣  
列當升寵祚旻不耆德景命失靈以光和  
元年九月乙酉卒官生有嘉休終則鼎銘  
於是故吏邊竺江英韓遂等追送退丘刊  
石勒勛其辭曰

於惟明后懷德握醇昆台之耀秀出不羣  
文昭有毅武列能仁含舒憲墨以育生民  
乘紀東壤西國著勛身沒名流載世常存  
古之遺老非此孰云子爾臣恩續其臭芬

河間相張平子碑

崔瑗

河南相張君南陽西鄂人諱衡字平子其  
先出自張老爲晉大夫納規趙武而反其  
侈傳美之君天姿儼哲敏而好學如川之  
逝不舍晝夜是以道德漫流文章雲浮數  
術窮天地制作侔造化壤辭麗說奇技偉  
藝磊落煥炳與神合契然而體性溫良聲  
芬芳仁愛篤密與世無傷可謂淑人君子  
者矣初舉孝廉爲尚書侍郎遷太史令實

掌重黎歷紀之度亦能焯耀敦大天明也  
德光照有漢遷公車司馬令侍中遂相河  
間政以禮成民是用息遭命不永閤忽卷  
徂朝失良臣民隕令君大泯斯道世喪斯  
文凡百君子靡不傷焉乃銘斯表以旌厥  
問其辭曰

於維張君資質懿豐德茂林羨高明顯融  
焉所不學亦何不師盈科而逝成章乃達  
一物不知實以爲耻聞一善言不勝其喜

包羅品類稟授無形酌焉不竭冲而復盈  
廩廩其庶壘壘其幾膺數命世紹聖作師  
荀華必實令德惟恭柔嘉伊則孝友祗容  
允出在茲維帝念功往才女諧化洽民雖  
愍而不弔降此咎哲人其萎罔不時恫紀  
于銘勒永終譽兮死而不朽芳烈著兮

曹娥碑

邯鄲淳

孝女曹娥者上虞曹盱之女也其先與周  
同祖末胄荒流爰茲適居盱能撫節按歌

婆娑樂神以漢安二年五月時迎五君逆  
濤而上爲水所淹不得其尸時娥年十四  
號慕思肝哀吟澤畔旬有七日遂投江死  
經五日抱父屍出以漢安迄于元嘉元年  
青龍在辛卯莫之有表度尚設祭諫之辭  
曰鬱伊孝女擘擘之姿偏其反而令色孔  
儀窈窕淑女巧笑倩兮宜其家室在洽之  
陽大禮未施嗟喪慈父彼蒼伊何無父孰  
怙訴伸告哀赴江永號視死如歸是以眇

然輕絕投入沙泥翩翩孝女載沉載浮或  
泊洲渚或在中流或趨湍瀨或逐波濤千  
夫失聲悼痛萬餘觀填道雲集路衢泣淚  
掩涕驚慟國都是以哀姜哭市杞崩城隅  
或有剋面引鏡勢耳用刀抱樹而燒於戲  
孝女德茂此儔何者大國防禮自脩豈况  
庶賤露屋草茅不扶自直不鏤自彫越梁  
過宋比之有殊哀此貞厲千載不渝嗚呼  
哀哉辭曰

名勒金石質之乾坤歲數歷祀立廟起坊  
光于后土顯昭天人生賤死貴利之義門  
何悵華落飄零早分葩艷窈窕永世配神  
若堯二女爲湘夫人時効髣髴以昭後昆

金石古文卷十四

魏敬侯衛覬碑陰文

聞人牟準

敬侯所葬之先域城惟解梁地卽鄆首山  
對靈足谷當猗口勢高而趣幽形垣而背  
阜鑿室而可以蔽藏不墳而所冀速朽珍  
琦素白而靡尚衣服隨時而則有故吏述  
德於隧前門生紀言於碑後白季居亭而  
已治詹嘉在主而可友處高攄之厚地將  
秣億而永久所著述注解故訓及文筆等

甚多皆已失墜所注孝經固而倉頡冢碑  
大篆書在左馮翊利陽亭南道旁及華山  
下亭碑增筭狀殷叔時碑魏大饗碑羣臣  
上尊號奏及受禪石表文並在許繁昌尊  
號奏鍾常書受禪表顛竝金針八分書也  
太祖 帝等臨詔令雜駁議上封事一百  
餘條誠子等散在人間及碑石可見樹碑  
人郡國縣道姓名其如于後

黃陵廟記節文

諸葛孔明

僕躬耕南陽之畝遂蒙劉氏顧草廬勢不  
可卻計事善之於是情好日密相拉總師  
趨蜀道履黃牛因覩江山之勝亂石排空  
驚濤拍岸斂巨石於江中崔嵬嶮岨列作  
三峯平治泝水順遵其道非神扶助於禹  
人力奚能致此耶僕縱步環覽乃見江左  
大山壁丘林麓峯巒如畫熟視於大江重  
復石壁間有神像影現烏鬢髮鬚眉冠裳  
宛然如彩畫者前豎一旌旗右駐一黃犢

猶有董工開導之勢古傳所載黃龍助禹  
開江治水九載而功成信不誣也惜乎廟  
貌廢去使人太息神有功助禹開江不事  
鑿斧順濟舟航當廟食茲土僕復而興之  
再建其廟貌日之曰黃牛廟以顯神功

漢武帝鼎銘

登于泰山萬壽無疆四海寧謐神鼎傳芳  
漢武帝封禪刻石辭

四守之內莫不爲郡邑四夷八蠻咸來貢

職與天無極又民蕃息天祿永得

漢祭金馬碧鷄文

持節使者王褒敬移南崖金精神馬綜綜  
碧鷄處南之荒深溪回谷非上之鄉歸來  
歸來漢德無壇廣于唐虞澤配三皇黃龍  
見兮白虎仁歸來歸來可以爲倫歸兮翔  
兮何事南荒也

漢祝長嚴訢碑銘

惟漢中興卯金休烈和平元年歲治東宮

星屬角房月建朱鳥中宮之均萬物慈射  
華澤青蔥歧行蠕息咸守厥常人物同授  
獨遭災霜顛隕殂落壽不寬弘經設三命  
君獲其殃

漢從事武梁銘

懿德玄通幽以明兮隱居靖處休曜章兮  
樂道忽榮垂蘭芳兮身沒名存傳無壇兮  
漢黎陽令張公頌  
公與守相駕蜚魚往來倏忽遠熹娛慰此

屯民寧厥居

漢園令趙君碑銘

天實高唯聖同戲我君羨其踪體弘仁蹈  
中庸所臨歷有豐功追景行亦難雙刺金  
石示萬邦

漢王史威長銘

明明哲士知存知亡崇隴原野非寧非康  
不封不樹作靈垂光厥銘何依王史威長  
漢資中古碑伏羲贊見史子堅隸格

伏戲倉精初造工業畫卦結繩以理海內  
內音越

後漢祝睦碑銘

穆我君邦之陽資五就闡道綱立表微準  
樞衡稽列宿覽四方德合乾道應皇領一  
郡曜重光化流洽緄幽昌性天約元用長  
頌聲作謠令香功烈著遺椒芳存覲榮淪  
弗忘

後漢慎令劉伯麟碑銘

於惟君德忠孝正直至行通洞高明柔克  
知命不延引輿旋歸忽然輕舉志激拔葵  
人皆有亡貴終譽兮沒而不朽垂名著兮

漢司隸校尉楊厥碑

惟以靈定位川澤攸同澤有所注川有所  
通斜谷之水其澤南隆八方所達益城爲  
充高祖受命興于漢中道由子午出散入  
秦建定帝位以漢詆焉後以子午塗路澁  
難更隨同谷復通堂光凡此四道峽鬲允



艱至于永平其有四年詔書開斜道通石  
門中遭元二西夷霍殘橋梁斷絕子谷復  
循于是故司隸校尉捷爲武陽楊厥字孟  
文深執忠仇數主奏請廢于由斯得其度  
經至建和二年漢中太守王升字稚紀嘉  
君明知美其仁賢勒石頌德以明厥勛

漢折里郿閣頌

惟斯折里處漢之右溪源漂疾橫注于道  
涉秋霖漉稽滯商旅休謁往還常失日晷

行理咨嗟郡縣所苦斯溪旣然郿閣尤甚  
臨深長淵三百餘丈接水相連號爲萬柱  
遭遇隕納人物俱隋沈沒洪淵酷烈爲禍  
於是太中阿陽李君諱會字伯都以建寧  
三年二月辛巳到官思惟惠利有以綏濟  
聞此爲難其日久矣乃俾府掾仇審改解  
危殆卽便求隱折里大橋於爾乃造又驛  
散關之嶠潔徙朝陽之平爇滅西高閣軌  
安寧之石道禹導江河以靖四海經紀厥

續艾康萬里

歐公跋云醴散關之潮濕徙朝陽之  
平爇荆畫適完非其訛謬而莫詳其  
義故錄之以俟博識君子

今按醴古與釋通史記張儀傳杖而  
醴之韓信傳醴兵北首燕路趙明誠  
金石錄載漢碑文有云農夫醴來又  
云辭榮醴黻濕本濟濕之濕漢人或  
寫作濕借作濕字用潮濕謂潮濕也

爇與燥同分隸小異如摻亦作操之  
例平爇謂乾燥也言去濕而就燥也  
以假借之義訓之亦通升菴揚慎重  
跋

漢無終山陽雍伯天祚玉田之碑

玉田縣西北有陽公壇社卽陽公之故居  
也陽公名雍伯雒陽人是周景王之孫食  
采陽樊春秋之末爰宅無終至性竺孝父  
毋終沒葬之於無終山山高八十里而上

無水雍伯置飲焉有人就飲與石一斗令  
種之玉生其田北平徐氏有女雍伯求之  
要以白璧一雙媒氏致命雍伯至玉田求  
五雙徐氏妻之遂嫁焉性不好寶玉田自  
去今猶謂之爲玉田

金石古文卷十四終

卷十四

金石古文

